

4. U slučaju da dijete neredovno pohađa predškolski odgoj i obrazovanje privatna predškolska ustanova je obavezna odmah o tim promjenama izvijestiti Ministarstvo;
5. Ukoliko dijete neopravdano ne pohađa predškolski odgoj i obrazovanje duže od 30 dana, predškolska ustanova je dužna izvršiti ispis djeteta iz predškolske ustanove;
6. Ukoliko se roditelji djeteta opredijele da dijete, umjesto cjelodnevnog boravka pohađa poludnevni boravak, obaveza predškolske ustanove je da tu promjenu odmah, putem sistema EMIS-predškolsko prijavi Ministarstvu;
7. Predškolske ustanove su dužne da sve promjene koje se tiču umanjenja sufinansiranja boravka djece u predškolskim ustanovama odmah prijave Ministarstvu i u takvim situacijama se ne sačinjavaju aneksi ugovora (izostanci djece više od 15 dana u jednom mjesecu ili više mjeseci u toku godine, promjena vremena boravka djece u vrtiću – sa cjelodnevnog na poludnevni boravak);
8. Saglasnost za uvećanje cijene boravka djeteta u predškolskoj ustanovi u okviru navedenom u ovom dokumentu, daje Ministarstvo;
9. Roditelj se može odreći sufinansiranja boravka svog djeteta u privatnoj predškolskoj ustanovi uz potpisivanje izjave ovjerene kod nadležnog općinskog organa i istu dostavlja predškolskoj ustanovi koju njegovo dijete pohađa.

Kontrola i praćenje izvršenja ugovorenih obaveza

Monitoring i kontrola realizacije ovog programa vršit će se u skladu sa posebno sačinjenim planom, a izvještaj o monitoringu i kontroli će sadržavati sljedeće podatke:

1. Ulazni podaci;
2. Podaci o broju djece koja pohađaju predškolske ustanove;
3. Opis programa (uvjeti, ciljna grupa, korisnici, visina sufinansiranja, period trajanja sufinansiranja, elementi javnog poziva);
4. Iznos ukupno planiranih i utrošenih sredstava za realizaciju Programa;
5. Aktivnosti vezane za javni poziv (objava, provjera prijave, zaključivanje ugovora i sl.);
6. Broj zaključenih Ugovora sa privatnim predškolskim ustanovama;
7. Broj djece za koja se vrši sufinansiranje u privatnim predškolskim ustanovama;
8. Uzrasna struktura djece obuhvaćene ovim programom;
9. Podaci o učincima ovog programa;
10. Nivo izvršenih postavljenih ciljeva;
11. Ispitivanje zadovoljstva roditelja kroz anketiranje koje će se izvršiti metodom slučajnog uzorka u skladu sa mogućnostima.

Broj 11-04-34-6650-3/26
13. aprila 2026. godine
Sarajevo

Ministrica
Naida Hota-Muminović, s. r.

OPĆINA ILIJAŠ

Općinsko vijeće

Na osnovu člana 21. stav 4. , člana 25. stav 8. i člana 39. stav 1.i 2. Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) te člana 23. i 55. Statuta Općine Ilijaš ("Službene novine Kantona Sarajevo", broj 20/09 i 46/18), Općinsko vijeće Ilijaš je, na sjednici održanoj 13.04.2026. godine , donijelo

ODLUKU

O USVAJANJU IZMJENA I DOPUNA REGULACIONOG PLANA "BANOVAČ" - POSLOVNI OBJEKAT I PARKING NA K.Č. 31, 32/1 I 32/2 K.O. ILIJAŠ GRAD

Član 1.

Usvajaju se Izmjene i dopune Regulacionog plana "Banovac" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Izmjena i dopuna Regulacionog plana
- Tekstualni dio Plana.

Grafički dio sadrži:

1. Fazu-Urbanizam prezentiranu na odgovarajućem broju tematskih karata i to:
 - karta 1. - Izvod iz Regulacionog plana
 - karta 2. - Ažurna geodetska podloga
 - karta 3. - Inženjersko-geološka karta
 - karta 4. - Postojeće stanje
 - karta 5. - Posjedovno stanje
 - karta 6. - Planirana namjena površina
 - karta 7. - Urbanističko rješenje – Namjena, spratnost i razmještaj objekata
 - karta 8. - Mreža regulacionih i građevinskih linija
 - karta 9. - Odnos prema postojećem građevinskom fondu- karta rušenja
 - karta 10. - Analitička obrada građevinskih parcela
2. Faze- saobraćajna i komunalna infrastruktura:
 - karta 11. -Idejno rješenje hortikulture
 - karta 12. - Idejno rješenje saobraćaja
 - karta 13. - Idejno rješenje snabdijevanja vodom i odvodnje otp. i oborin. voda,
 - karta 14. - Idejno rješenje elektroenergetike
 - karta 15. - Idejno rješenje energetike
 - karta 16. - Idejno rješenje TK mreže

Član 3.

Idejna rješenja faza saobraćaja, snabdijevanja vodom i odvodnje otpadnih i oborinskih voda, energetike, elektroenergetike i javne rasvjete, TK mreže i hortikulture su sastavni dio ovog Plana.

Član 4.


Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilijaš i Zavodu za planiranje razvoja Kantona Sarajevo.

Član 5.

Ova odluka stupa na snagu narednog narednog dana od dana objavljivanja u "Službenim novinama Kantona Sarajevo".

Broj 01/1-02-960-7a/26
13. aprila 2026. godine
Ilijaš

Predsjedavajući
Općinskog vijeća
Anel Bumbulović, s. r.



Na osnovu člana 21. stav 4., člana 25 stav 8. i člana 39. stav 1. i 2. Zakona o prostornom uređenju Sarajevo ("Službene novine Kantona Sarajevo", br. 24/17 i 1/18), te odredbama člana 23. i člana 55. Statuta Općine Ilijaš ("Službene novine Kantona Sarajevo", br. 20/09 i 46/18), Općinsko vijeće Ilijaš, na sjednici održanoj dana 13.04.2026. godine, donijelo je

**ODLUKU
O PROVOĐENJU IZMJENA I DOPUNA
REGULACIONOG PLANA "BANOVAC" - POSLOVNI
OBJEKAT I PARKING NA K.Č. 31, 32/1 I 32/2 K.O.
ILIJAŠ GRAD (SKRAĆENI POSTUPAK)**

Član 1.

Ovom Odlukom utvrđuju se uslovi izgradnje, uređenja, zaštite prostora i način provođenja Izmjena i dopuna Regulacionog plana "Banovac"- Poslovni objekat i parking na k.č. 31, 32/1 i 32/2 K.O. Ilijaš Grad (u daljem tekstu Plan), a naročito granice obuhvata, namjene površina, urbanističko-tehnički uslovi za izgradnju građevine, uslovi uređenja građevinskog zemljišta, te uslovi uređenja površina za saobraćaj i komunalnu infrastrukturu.

Član 2.

Granica obuhvata polazi od tačke br. 1 koja se nalazi na parceli k.č. 38/1, a ima koordinate y=6521644, x=4868828, potom produžava na sjever, te jugoistok sijekuci parcele k.č. 38/1, 32/1, 31, 28/1, 29, 1946, 319/1(koordinate prelomnih tačaka:br. 2 y=6521668, x=4868917; br. 3 y=6521675,

x=4868906; br. 4 y=6521690, x=4868895; br. 5 y=6521703, x=4868910; br. 6 y=6521721, x=4868924; br. 7 y=6521751, x=4868889; br. 8 y=6521769, x=4868877; br. 9 y=6521790, x=4868866) i dolazi u tačku br. 10 koja se nalazi na međi između parcela k.č. 1946 i 320/2, a ima koordinate y=6521802, x=4868861. Granica obuhvata produžava na jug, te zapad idući preko parcela k.č. 1946, 32/2, 32/1, 38/1 (koordinate prelomnih tačaka: br. 11 y=6521783, x=4868846; br. 12 y=6521795, x=4868837; br. 13 y=6521817, x=4868806; br. 14 y=6521795, x=4868796; br. 15 y=6521788, x=4868801; br. 16 y=6521779, x=4868804; br. 17 y=6521763, x=4868808) te dolazi do mjesta odakle je opis granice i počeo.

Sve gore navedne parcele se nalaze u K.O. Ilijaš Grad, Općina Ilijaš.

Površina obuhvata iznosi P=1,22 ha.

Član 3.

Na zemljištu koje je predmet izrade ovih izmjena i dopuna Plana, važećim planskim dokumentom ("Službene novine Kantona Sarajevo", broj 13/20) predmetni obuhvat Izmjena i dopuna plana definisan je kao Saobraćajne zone i Zona individualnog stanovanja.

Član 4.

U sklopu obuhvata ove Izmjene Plana definisane su zone sa slijedećim namjenama:

- Zona centralnih sadržaja
- Saobraćajne površine

Član 5.

Urbanističko - tehnički uvjeti i uvjeti za izgradnju građevina i uređenje građevinskog zemljišta:**Regulaciona linija**

- Regulaciona linija utvrđuje pojedinačne parcele i razdvaja površine različitih namjena.
- Regulacione linije su utvrđene ovim Planom i ne mogu se mijenjati.

Građevinska linija

- Građevinska linija utvrđena u grafičkom dijelu Plana ujedno označavaju liniju iskolčenja.
- Planom utvrđena građevinska linija se ne može preći ni jednim dijelom građevine.

Spratna visina i etaže objekta

- Planirana spratnost i visina objekata utvrđene su Planom i ne mogu se mijenjati;

Ostali urbanističko tehnički uslovi

- Zapadni dio granice obuhvata izmjene Plana planirati za izgradnju parkirališta;
- Na istočnom dijelu obuhvata planirati građevinsku parcelu za izgradnju poslovnog objekta;
- Spratnost objekta P, uz visinu objekta, shodno namjeni poslovnog prostora;
- Krovne plohe rješavati primjenom ravnog krova;
- Uredaji i instalacije koje su u funkciji građevine moraju se smjestiti u okviru osnovnog gabarita objekta;
- Moguće je objedinjavanje građevinskih parcela, kao i usklađivanje planiranog broja parking mjesta sa potrebama i standardima za planirani poslovni objekat.

Arhitektonsko oblikovanje

- U smislu arhitektonskog oblikovanja, kao i u materijalizaciji potrebno je koristiti savremeni arhitektonski izraz kao i tehnološki nepredne i energetsko učinkovite materijale.

Uređenje građevinskog zemljišta

- Uređenje građevinskog zemljišta se mora izvesti u obimu i na način kako je to predviđeno Planom. Izgradnja građevina se ne može započeti bez prethodnog minimalnog uređenja građevinskog zemljišta pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu.

Član 6.

Izgradnja građevina ne može započeti prije uklanjanja objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 7.

Prilikom projektovanja i izgradnje građevina, saobraćajnica i komunalne infrastrukture moraju se zadovoljiti svi uslovi dati u "Elaborat o geomehaničkim istražnim radovima za potrebe izgradnje supermarketa - Ilijaš, Sarajevo" urađen od strane Instituta za građevinarstvo "IG" Banja Luka d.o.o., Sarajevo u novembru 2024. godine.

Član 8.

Sve arhitektonske građevine predviđene za izgradnju ovim Planom moraju biti projektovane i izvedene prema uvjetima predviđenim za 8^o MCS skale.

Član 9.

Sadržaji vanjskog uređenja (urbani mobilijar i sl.) moraju biti suvremenog dizajna i materijalizacije, primjerene datoj lokaciji, a izbor vrsta, s akcentom na stablašice, atraktivan u skladu sa potencijalnom vegetacijom.

Projektna dokumentacija mora uključivati i urbanističko rješenje vanjskog uređenja sa hortikulturom, a zelene površine treba da čine 20% građevinske parcele.

Idejno rješenje hortikulture mora biti urađeno od strane stručnog i odgovornog lica i/ili registrovane firme za projektovanje zelenih površina.

Građevina, urbanističko rješenje parcele sa zelenilom predstavljaju jednu cjelinu, te se tehnički prijem ne može odobriti ako sva tri navedena elementa nisu izvedena u skladu sa projektnom dokumentacijom.

Član 10.

Privremeno korištenje površina u području obuhvaćenom Planom se ne može odobriti ni u koje svrhe.

Član 11.

Idejna rješenja faza saobraćaja, snabdijevanja vodom i odvodnje otpadnih i oborinskih voda, energetike, elektroenergetike i javne rasvjete, TK mreže i hortikulture su sastavni dio ovog Plana.

Član 12.

Uvjeti izgradnje građevina za sklanjanje stanovništva i materijalnih dobara kao i za druge potrebe odbrane i civilne zaštite moraju biti obezbjeđeni u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05 i 59/07).

Član 13.

U toku razrade i sprovođenja Plana primjeniti uslove iz Uredbe o urbanističko-tehničkim uvjetima, prostornim standardima i normativima za okupljanje i sprječavanje stvaranja arhitektonsko urbanističkih barijera za kretanje osoba sa umanjenom sposobnošću kretanja koja koriste tehnička i ortopedska pomagala ("Službene novine Kantona Sarajevo", broj 5/00).

Nivelete pješačkih saobraćajnica kao prilazi u objekat moraju biti isprojektovane i izvedene sa nagibima koji omogućavaju nesmetano kretanje osoba sa umanjenom sposobnošću kretanja, odnosno neophodno je obezbijediti odgovarajuće rampe, držače, posebno obilježena parking mjesta i sl.

Član 14.

Sistem upravljanja otpadom u obuhvatu Plana mora funkcionisati u skladu sa odredbama Zakona o komunalnoj čistoći ("Službene novine Kantona Sarajevo", br. 14/16, 34/16, 19/17, 20/18, 22/19), kao i drugih zakonskih i podzakonskih akata iz predmetne oblasti.

Na grafičkom prilogu Plana br. 7 dat je prijedlog lokacije za selektivno prikupljanje otpada, a eventualnu izmjenu iste, kao i vrste/broja/zapremine posuda za prikupljanje, odrediti uz saglasnost nadležne općinske službe i Kantonalnog javnog komunalnog preduzeća "Rad".

Lokaciju za prikupljanje otpada riješiti u okviru građevinske parcele, te istu adekvatno obraditi i prikazati u projektnoj dokumentaciji za izdavanje urbanističke saglasnosti.

Član 15.

Za sve odredbe koje nisu regulisane ovom Odlukom, primjenjivat će se odredbe Odluke o provođenju Izmjene i dopune Regulacionog plana "Banovac" ("Službene novine Kantona Sarajevo", broj 13/20).

Član 16.

Ova Odluka stupa na snagu narednog dana od objavljivanja u "Službenim novinama Kantona Sarajevo".

Broj 01/1-02-960-7b)/26

13. aprila 2026. godine

Ilijaš

Predsjedavajući

Općinskog vijeća

Anel Bumbulović, s. r.

Na osnovu člana 13. alineja 18. Zakona o principima lokalne samouprave u FBiH ("Službene novine Federacije BiH", br. 49/06 i 51/09), člana 29. stav 1. tačka 2. Zakona o lokalnoj samoupravi-Prečišćeni tekst ("Službene novine Kantona Sarajevo", broj 22/00), čl. 55. tačka 2. i 104. stav 1. Statuta Općine Ilijaš ("Službene novine Kantona Sarajevo", br. 20/09-Prečišćeni tekst i 46/18), čl. 90. i 116. Poslovnika Općinskog vijeća Ilijaš ("Službene novine Kantona Sarajevo", br. 19/22 i 16/23) i Poziva Misija OSCE-a u Bosni i Hercegovini od 24.11.2025. godine, Općinsko vijeće na 17. sjednici održanoj dana 13.04.2026. godine donosi

ODLUKU

O NEPOSREDNOM UČEŠĆU GRAĐANA U ODLUČIVANJU U OPĆINI ILIJAŠ

POGLAVLJE I. UVODNE ODREDBE

Član 1.

(Predmet Odluke)

Ovom odlukom uređuju se načela za učešće građana u odlučivanju u Općini Ilijaš, oblici, postupak i rokovi, način učešća građana u donošenju odluka, vođenje evidencija o građanskom učešću, postupak izvještavanja kao i druga pitanja od značaja za unaprjeđenje i efikasno učešće građana u donošenju odluka od njihovog neposrednog interesa.

Član 2.

(Cilj donošenja Odluke)

Cilj ove odluke je uređivanje pravila za učešće i podsticaj učešća građana u donošenju odluka i drugih akata u poslovima iz nadležnosti Općine Ilijaš (u daljem tekstu: Općina) koji su od njihovog neposrednog interesa, kao i praćenje izvršavanja donijetih odluka i drugih akata.

Član 3.

(Značenje izraza)

Pojedini izrazi upotrebljeni u ovoj odluci imaju sljedeće značenje:

- 1) **jedinica lokalne samouprave (JLS)** - općina
- 2) **građanin** - fizičko lice koje ima prebivalište ili boravište na području jedinice lokalne samouprave koja je donosilac odluke i na čijem području se primjenjuje odluka
- 3) **zainteresirana javnost/javnosti** - građani, pravna lica, organizacije civilnog društva, predstavnici akademske zajednice, javne ustanove i druga pravna lica koja obavljaju javne službe i druge zainteresovane grupe za primjenu ove odluke

- 4) **propis** - statut, poslovnik, odluka i svaki drugi propis za čije donošenje je nadležna,
- 5) **akt načelnika općine** - odluka, pravilnik, naredba, uputstvo, rješenje, zaključak, plan i program za čije donošenje je nadležan načelnik općine
- 6) **podnesak** - svako potpisano pismo, uključujući i pritužbu na rad organa JLS kojim se građanin obraća i kojim komunicira i predlaže aktivnosti organa JLS, iznosi primjedbe na rad organa JLS ili se na bilo koji drugi način obraća organima JLS
- 7) **komunikacija i sredstva komunikacije** - svaka aktivnost JLS kojom se bilo pojedinačno ili grupno informiraju građani o radu JLS, postupanjima po njihovim podnescima, prijavama, zahtjevima zborova građana, kao i aktivnosti JLS koje se odnose na informiranje građana o radu i stanju JLS putem sredstava javnog informiranja, službenih i ažurnih web stranica, email korespondencije, oglasnih tabli, letaka, info pultova, dežurnih info telefona i na druge pogodne načine, a koja uključuje i javno objavljivanje i činjenje dostupnim svih propisa, općih akata, konkursnih procedura, provedenih javnih nabavki, javnih nabavki u toku, kao i planiranih javnih nabavki, projekata, kao i svih ostalih informacija od značaja koje sačinjavaju organi JLS.

Član 4.

(Rodna ravnopravnost)

Izrazi upotrijebljeni u ovoj odluci navode se u jednom gramatičkom rodu i bez diskriminacije se odnose na muškarce i na žene.

POGLAVLJE II. NAČELA UČEŠĆA GRAĐANA

Član 5.

(Transparentnost)

Načelo transparentnosti podrazumijeva da će relevantne strukture vlasti preduzimati potrebne mjere za objavljivanje i osiguranje javno dostupnih informacija o procedurama i aktivnostima u ključnim oblastima svoga rada, a naročito na području javne potrošnje, javnih ugovora, razvoja i implementacije politika kao i javnih usluga.

Član 6.

(Dostupnost)

Učesnici koji su odgovorni za provođenje mehanizama učešća građana će u svim svojim aktivnostima koristiti odgovarajuća sredstva i kanale komunikacije, uključujući i nove tehnologije gdje god je to primjereno i moguće, uz upotrebu jezika i terminologije koji su lakše razumljivi građanima.

Član 7.

(Jasnoća)

Ciljevi učešća građana treba da budu jasno definirani od samog početka procesa donošenja odluka, uz jasno definirane uloge i odgovornosti relevantnih aktera.

Član 8.

(Poštovanje svih učesnika)

Prilikom provođenja participativnih mehanizama i procesa, svi potencijalni učesnici će biti tretirani sa jednakom pažnjom i poštovanjem, bez obzira na to da li su njihovi stavovi bliski stavovima vladajućih struktura ili ne, čime će se podsticati i razvijati kultura dijaloga i civilizovanog sučeljavanja stavova u demokratskom društvu.